

光緒八年壬午

汾西縣志

官衙藏板

21592

原脩汾西縣志序

粵稽太史採風謠職方掌版籍凡十五國  
 之貞淫咸上其事於王朝其時無所為志  
 也迨班固志地理兼及民風俗尚著述家  
 多宗之郡邑各自為紀此志之所由昉乎  
 三晉為域中奧區山川形勝人物風土自  
 昔稱最而汾邑其一隅也邑處萬山之叢  
 其地瘠其民貧貨物無所聚財用無所出  
 民自畊鑿而外絕無事事儉嗇簡陋實有  
 陶唐氏之遺風焉明季遭罹兵火地方凋  
 殘戶口零落莫汾為甚

汾西縣志  
 卷一 原脩序  
 一

聖朝鼎興深仁厚澤遍及陬澨而汾邑瘡痍未  
 能盡起以故圖籍之事不遑及也歲丁酉  
 廣川李公來令茲邑以邑乘不可不脩於

是起而輯焉及余下車閱其成書大綱細目雖然並舉但繁簡未盡合宜紀載尙多闕畧因陋一時難垂經久意欲增輯者久之念一行作吏碌碌簿書撫字催科日不暇給且當荒歉之後踏勘無有虛日九年秋 巡撫達單車莅止躬詢民間疾苦諳諳於勸農桑課織絰招流亡而余也上承

清訓下撫殘黎勤招徠而嚴釐剔時以不克勝任爲懼乃陽和遠播山邑皆春未踰年而歲頗稔民稍安流離瑣尾漸集而余之殫心竭慮惟恐隕越以無副章程者亦獲幸免於罪戾斯豈非福星臨馭而烏能至此乎今遇

皇上垂裳之日命禮臣纂脩天下一統志徵取

郡邑志書以備採擇 學憲謝 郵檄至  
汾余職列錢穀之司無能越俎又慮才識  
之薄恐滋濫觴既而私心自念曰國有史  
邑有志凡以攷古今載治忽彰政教也三  
晉之民蒙

聖世德化之淪洽 撫憲仁恩之洋溢 方伯  
憲長郡伯諸大人慈祥愷惠之施窮谷深

山罔不被休焉汾雖蕞爾乎沐膏澤而受  
薰陶較之昔日亦大變矣瘠者以饒貧者  
以裕儉嗇者益以禮讓簡陋者進以彬雅  
人才輩出科目繁興多士濟濟登於朝文  
章奕奕光於國子與子言孝臣與臣言忠  
而且貴賤不相陵貧富不相耀風俗以厚  
人心以正此皆

聖天子暨諸 上臺教化之所由致也余忝末  
員亦竊比於宣上德達下情焉語曰天道  
五年一小變十年一大變人當因時與爲  
損益則志之脩又安容已乎於是集邑紳  
士耆老廣加收採冗者刪之闕者補之俚  
者文之計月而書告成然則斯舉也一以  
志

聖世久安長治之庶一以志諸 憲清風惠澤  
之溥一以志汾邑士庶心臧之美一舉而  
三善備焉矣因忘其固陋而爲文以弁其  
端以志盛也亦以志勉也夫豈

康熙十三年歲次甲寅孟秋嚴陵蔣鳴龍題於  
汾署之思補堂

續脩汾西縣志序

歲庚辰三月良承乏茲土甫入境見  
邨落成墟蒿萊滿目盡然傷之既下  
車接見紳耆披覽舊志乃知地方彫  
敝自明季而已然幸沐

皇朝深仁厚澤淪浹二百餘年風俗丕變  
民物繁興向之蕞爾瘠區已蒸蒸日上

序

一

上矣年來昊天降割饑饉洊臻前大  
令于公以死為民請命則林總之衰  
耗可知也仰蒙

今大中丞威毅伯曾公暨

各憲長體察疾苦據情

入告蠲賦弛徵移粟撥帑解衣推食瘞死  
恤生購牛具發籽種所以賑卹而招

撫而安集之者比侘邑加厚非私也  
毋亦謂汾之為地瘠而今之災又如  
此其甚也宜乎孑然之遺黎所不能  
一日忘者也先是五年夏  
大中丞以賑務既竣懼  
朝廷蠲拯殊恩久而或佚爰有重脩三晉  
通志之請得

序

二

旨俞允檄下屬縣於舊志外續加增輯以  
備採擇時曹大令權縣事敦請司訓  
賈君執鈞邑紳遂君錦鑣龐君奉桐  
任其事書未及成會良莅任奉省畊  
之檄周歷四鄉以補不足遂訪佚事  
於牧豎農夫之口尋斷碣於荒煙蔓  
草之中更舉賈遂諸君所彙集互相

攷證僅就見聞所及採訪所得與夫  
吏牘尚存於朽蠹之餘者連綴成篇  
其間天時之往復人事之變遷物理  
之盈虛

君恩之稠疊一一必從其實大要詳於近  
事而略於其所不知以云慎也即謂  
以之資觀感存風勵景前脩以誌後

# 序

三

患是編雖未大備亦或不無小補焉  
舊志成於康熙十三年厥後迄未  
補脩茲舉始於五年冬竣事於六年  
仲夏例得並書是為序

光緒六年歲次庚辰夏五月

知汾西縣事蒙古錫良甫撰

事有見其始於前不獲觀其成  
於後者往往然也矧余之於汾  
不無奢望焉四年夏前任于公  
為民捐軀 安瀾 奉委代理斯篆  
甫入境見夫老弱流離道殣相  
望蓋汾民之億極矣辦賑月餘

# 序

一

去署鄉甯雖賑務大略相同而  
災分輕重汾之民未嘗一日忘  
懷也六年七月錫君清弼調署  
平遙余復來署理以續脩之縣  
志稿授余令卒其事披而閱之  
見其條分縷晰創因各當所以

補前人所未及者詳且備矣余  
覆加校正急付剞劂獨是余之  
於汾何日能慰吾望也人民去  
八九其何以庶田地半荒蕪其  
何以開財用不足而貢賦堪憂  
禮讓不興而文風宜振是必有

序

二

賢士大夫當大祲之後撫之以  
仁慈加之以教澤使異日再脩  
縣志列諸政蹟觀民情之變易  
即以見吏治之賢能而後予之  
心慰也請以俟後之宰斯土者

光緒七年歲次辛巳秋九月

署汾西縣事山陰馮安瀾甫撰

序

三

重修汾西縣志總目

卷首

序文

發凡

圖 天文 山河 疆域 城郭附

卷之一

星野 附占侯

疆域 關隘附

山川 津梁附

汾西縣志

卷總目

建置沿革 附防表

卷之二

城池 附坊里 市鎮 舖舍

公署

倉庾

學校

祠祀

卷之三

貢賦 人丁 運支 戶口附

屯田

水利 井泉附

鹽法

兵防 營房附

馬政

卷之四

職官

名宦 附毛公政畧

卷之五

汾西縣志

卷總目

二

選舉

封爵 新增恩廕封贈移附

人物

卷之六

忠烈 新增

孝義

文苑 新增

隱逸 新增

列女

卷之七

仙釋

風俗 土產附  
附興革紀畧

古蹟

陵墓 陵闕

寺觀

祥異

卷之八

藝文 序記 傳贊 詩

汾西縣志

卷總目

汾西縣志卷總目終

重修汾西縣志發凡

汾志其來遠矣元以前燬於兵燹遺墨久湮明時  
毛公炯所編纂暨

國朝廣川李公之增輯亦概乎無存今所刊嚴陵蔣  
公康熙甲寅手訂縣志八卷精確雅馴既嚴且覈  
小序論斷不苟爲炳炳烺烺洵良吏而兼史才者  
也顧其時迫於一統志功令一月成書掇拾編次  
或非盡出自蔣凡例謂不另旁搜續輯恐致訛舛  
慎則慎矣似過傷謹嚴好古者訾焉咸豐甲寅冬

汾西縣志

卷發凡

一

先大夫春泉公自稷來權汾篆吏以前志進庭訓  
汾令不少循良儒吏何歎眎邑乘爲敝帚蓋緣邑  
小而貧酌水盟心僅乃集事因陋就簡其勢然也  
然我

朝制定功成諸大政典終當補載若生於斯吏於斯  
忠孝節烈科甲循良亦豈可任令與草亡木卒同  
腐朽乎五日京兆有志未逮翹識諸心不敢忘越  
二十七年爲

今上紀元之六年蒙古拜岳特氏清弼錫君以青年名

進士作宰當道器重量移繁劇暫格於例始莅是  
邦翹佐治長平之舊居停也舊地重聯舊雨城郭  
猶是人民已非君則識益深問益下愛士恤民一  
以長平之治爲治時大祲後瘡痍未復周歷四鄉  
省春耕而籌補助招撫流亡日對遺黎咨嗟太息  
兼以續脩邑乘秉筆諸公苦於年湮世遠文獻無  
徵君爲因便搜羅繩幽鑿險不敢告勞每有所得  
手撰以示翹俾佐參訂之役旣成續志呈送通志  
局採擇矣復念舊志二百餘年板皆漫漶殘缺欲

新舊並哀都爲一集會有省門之行屬翹草創以  
俟且日歐陽公作新唐書事增文省志亦史類君  
所知也翹承命悚惶私竊自維學殖久荒且抱弱  
疾雅未夢見三長奚敢妄司刪訂惟見君視公事  
如家事毅然任之如此其治行之卓自當力勉與  
毛蔣二公相伯仲不敢率爲貢腴若舉二百餘年  
久廢之典後先輝映則尤有較難者矣爰不揣固  
陋依類合編軼者增之闕者補之冗者節芟之文  
增無幾事鮮挂漏於天時人事風化學校諸闕勸

懲者亦碑精畢力以從事待君公旋訂正然後就  
有道而潤色焉匪敢希踪裨謚亦藉手以竟先大  
夫之志也謹詳義例於左

一舊志遵豫省例分星野等二十餘門今添封爵忠  
烈文苑三門實隱逸一門餘仍之共得三十二門  
原總目註闕字者刪之原附倉廩改倉庾專門

一舊志圖考天文山川仍舊城池應照今另圖學校  
公署均當補繪山城後無善繪事者因存舊圖於首

一舊例志爲一邑之舉言詞夸詐考據鮮當累牘盈

汾西縣志

卷發凡

三

帙不足以資觀感嗣奉一統志館徵取將備史氏  
採錄語必精詳事必徵實云云茲亦一仍其例不敢徒侈宏博

一舊志無綱有目其有不及詳悉者各依類附於其次今仍之

一綱首各冠小序原以便於觀覽若徒撫典故轉類  
玉卮無當茲輯半仍舊序卽有因時改更仍守寧  
儉毋華之戒舊者必爲注明避掠美也

一建革有裨民俗闕治理資考據者雖廢必書不致  
以前事荒缺而遺

一移公署之附列倉廩專立一門重儲積也改預備